


雲間志

（全二册）  
朱端常等修





光緒甲午  
徐氏校刊

閑 緇  
志 熙  
真 季

（即閑字）



真季

重刊雲閒志序

宋時華亭一縣兼有今松江一府一廳七縣之地而猶未止也何以言之曰雲閒志所管十三鄉雖與今同然今十三鄉所管止四十八保而雲閒志乃有五十二保閒嘗攷明正德府志自西南境楓涇鄉一保以次左旋迄西北境海隅鄉五十保而止如櫛之比區畫井然以證雲閒志各鄉所管保數合者十有一鄉其不合者惟仙山鄉三保新江鄉四保正德府志各殺其一今按仙山地居腹裏新江雖鄰嘉定而與修竹海隅各保遞廁無閒是雲閒志所溢之數不溢於五十之外而溢於五

十之內必無是理殆舊本傳寫之誤未可知然較之今所管四十八保尙遺其二則據

國朝康熙府志云北亭鄉三十二保海隅鄉四十八保皆分隸嘉定今北亭之三十一三十三保暨海隅之四十九保竝與嘉定錯壤是華亭舊地猶可按圖而索予故曰兼有今松江一府一廳七縣之地而猶未止也特康熙府志不詳分隸於何時而嘉定縣志并所分隸者而不知意者其在萬厯改并青浦各鄉之際顧未一見崇禎府志不知詳焉否乎若嘉慶府志則并分隸之說而芟之矣古人志地之書首重疆理班孟堅爲地理志

重述禹貢古文豈不憚煩哉不徵於古不信於今也雲  
閒志詳敘封域鄉里猶有古之遺意柰何後之人於因  
革之大端漫不加察耶雲閒有志據楊潛自序固不自  
潛始前於潛者眇不可知後於潛者湮滅抑多矣而潛  
書乃僅而得存不誠吾邦之幸事哉沈氏刊版燬於寇  
書存亦眇曩預修志之役展轉假得表弟謝君斐章爲  
子錄副珍諸篋笥忽忽十餘年徐觀察子靜見而愛之  
因愆懇重刊席君孟則朱君懋之相與校理始癸巳仲  
冬迄甲午暮春乃竣厥事邑人閔萃祥書於上海寓次

重刊雲間志序

國家集四庫書載諸宋元方志而宋楊潛雲間志以後  
出不得預其書按據舊圖經搜羅古碑碣詳載故實題  
詠書僅三卷繁簡得中不讓宋人會稽新安志也余自  
嘉慶癸酉有松江府脩志之役病舊志之不能典核因  
求松江事迹惟華亭一縣見於王象之輿地紀勝至元  
升縣爲府始載其事於嘉禾志并楊潛之書爲一郡掌  
故康熙閒知府郭廷弼作郡志本之明人顧清及陳繼  
儒時亦似見此二書者而改易其文又多舛誤如沿革  
蘇州增大厯中改爲雄州建中元年復名蘇州等語竝



不知雄州之爲郡望如縣之有赤緊非州名也其諸山則刪節雲閒志高若干丈周回若干里不知古人測量之法古迹則誤以雲閒志靜安寺記有赤烏中建號漚瀆重元寺之文遂譌爲有赤烏碑知縣題名輿地紀勝有唐蘇籥引晏公類要云攝華亭令在官簡惠莅事公正亦見雲閒志郡志僅載其名刪其在官莅事之迹又雲閒志張聿無以進士任之文包某德宗時蓋缺其名郡志改包某爲包何刪德宗時三字雲閒志宋知華亭縣商餘慶劉唯一等名下俱有咸平五年景德元年等字郡志反刪落在官年分雲閒志進士題名唐有三禮

科顧謙郡志脫之其布衣被召賜第及特奏名者皆遺  
落不載其所引古書不載出典以意增改其文不及更  
僕數也則知雲閒志之不可不刊以行世也明甚余病  
今世脩志無著作好手不如刻古志於前以後來事迹  
續之或山川古迹舊有遺漏舛誤者不妨別爲考證一  
卷華亭沈司馬恕者好古士也家有古倪園構求古書  
藏之出示此志後有錢少詹大所題記因余言卽付之  
梓他時恐郡志之成卒不及古人矣書中譌缺得顧茂  
才廣圻是正之又校以至元嘉禾志庶得十八九考輿  
地紀勝尙有寶雲寺碑在華亭縣南卅五里又有大唐

蘇州華亭縣顧亭林市新剏清雲禪院記大中十四年  
歲在庚辰吳興沈璩述并書又有亭林法雲寺感夢伽  
藍神記慶歷六年記碑文皆不見雲間志恐今石亦并  
亾矣顧茂才又檢古刻叢鈔有華亭唐故陸氏盧江郡  
何夫人唐故陸氏劉夫人二墓誌銘及戴府君墓誌俱  
可補爲雲間故迹者聊因序錄此志并及之時歲甲戌  
陽湖孫星衍撰於冶城山館

雲閒志序

華亭爲今壯縣生齒繁夥財賦浩穰南距海北瀕江四境延袤視偏壘遐障所不逮質之寰宇記輿地廣志元和郡國圖志僅得疆理大略至如先賢勝概戶口租稅里巷物產之屬則闕焉前此邑人蓋嘗編類失之疏略續雖附見於嘉禾志然闕遺尙多元空觀覽余謬領是邑雖日困於簿書期會而此心實拳拳今瓜代有期不加討論以詔來者則鞅鞅不滿若將終身焉於是甄邑之博雅君子相與講貫疇諸井里考諸傳記質諸故老有據則書有疑則闕有訛則辯凡百里之風土粲然靡



所不載至若前輩詩文散落於境內者非一姑撫南渡  
以前者附於卷末書成而鋟墨公帑匱而莫能舉又得  
邑之賢士大夫鳩工助成是書也雖一邑之士未足以  
廣見聞異時對友朋則可以資談麈事君父則可以備  
顧問孰謂其無補歟紹熙癸丑仲冬旦日奉議郎特差  
知秀州華亭縣主管勸農公事兼兵馬都監兼監鹽場  
主管堰事借緋楊潛謹序

嘉慶壬申余擢守雲閒適有脩志之役因訪求松乘遺  
書竊見元明以來有僅存其目而無其書者如大德松  
江郡志至正續松江志洪武吳郡志及永樂新志是也  
成化雲閒通志前志屢爲稱引雖有傳書而存者已尠  
惟紹熙雲閒志徐碩嘉禾志二書自宋迄今數百年幸  
少闕佚而此邦文獻亦藉以資攷證今嘉禾志已刊  
四庫書目世閒祇有影鈔善本雲閒志雖晚出自竹汀  
少詹購鈔後藏諸袁君廷壽家得岷雲司馬重付剞劂  
表章之功甚偉夫書之顯晦存乎其時非得好學深思  
之士愛而傳焉則名山之業就湮者多矣雲閒有志昉



自楊潛其體裁最爲縝密顧陳諸志往往取材於是宜  
竹汀諸公歎賞不置沈君十峰成其兄岷雲未竟之業  
而屬序於余余嘉其汲古功深能繼其事誠如惕夫王  
君所云議新志不若刻舊志余輯郡志適成而益歎古  
人之不可及也是爲序戊寅六月下浣宋如林書於郡  
署之海石堂

雲間志上

封域

華亭在禹貢為揚州之域在周為吳地吳滅入越越滅入楚秦併天下分三十六郡始屬會稽郡漢世因之順帝永建四年分浙江以東為會稽郡西為吳郡華亭雖吳郡地猶未見之史傳孫氏霸吳盡有其地建安二十四年封陸遜為華亭侯始見之吳志矣晉宋齊梁未之改易隋平陳始置蘇州迨唐天寶十年以華亭為縣屬蘇州治按新史寰宇記以為本嘉興縣地輿地廣志以為本崑山縣地

崑山即漢婁縣梁大同初易今名

元和郡國圖志云吳

郡太守趙居貞奏割崑山嘉興海鹽三縣為之今邑之

四境與三縣接郡國圖志為不誣矣僖宗入蜀時羣盜

槃結王騰據華亭唐周寶傳王敖據崑山王騰據華亭寶練卒自守發杭州兵戍縣鎮按僖

宗幸蜀則中其後吳越王錢鏐遣顧全武拔之自此地

入吳越按九國志顧全武平嘉興取崑山雖無拔華亭事通鑑乾甯四年錢鏐遣顧全武取蘇州乙未

拔松江戍戍拔無錫辛丑拔常熟華亭晉天福五年以嘉興縣為秀州而

割華亭隸焉按置秀州五代史云晉天福中寰宇記以

州而以華亭及新置崇德隸焉則備史年月差詳云至於縣之得名通典寰宇記

云地有華亭谷因為名按陸遜傳遜初封華亭侯進

封婁侯次江陵侯漢法十里一亭十亭一鄉萬戶以上

或不滿萬戶為縣凡封侯視功大小初亭侯次鄉縣郡

侯以遜所封次第考之則華亭漢故亭留宿會之所也

漢亭二萬九千六百六十五吳所封亭侯如西亭烈亭東遷亭新城亭之類今縣有華亭鎮

印或者遂謂自鎮為縣不知所謂鎮者唐因隋制置鎮

將副以掌捍防守禦之事縣之冗職耳通典隋置鎮將副其職甚卑唐

因之有上中下新史唐季五代或用土豪小校為之舉

郡屬縣崑山常熟華亭海鹽吳江皆有鎮將以沿海防禦之處九域志楊行密吳越王相攻取崑山常熟鎮是

也國初鎮將雖存而縣令及尉實掌其權續通鑑據國史本志會要

趙韓王行狀五代以來鎮將用節度親隨為之凡事專

達於州縣吏失職建隆三年詔盜賊鬪訟縣令及尉領之各置弓手而鎮將止統在縣太平興國中用本州牙吏耳時華亭在吳越雖未歸土而廢罷鎮將蓋始於此



祥符圖經載鎮在西南二百步而元豐九域志則廢矣  
按祥符圖經崑山鎮在縣東一里常熟鎮在縣南二百步吳江鎮在縣下九域志皆廢元祐間太史公祖禹奏議曰祖宗分天下爲十八路置轉運使提點刑獄收鄉長鎮將之權歸於縣如自鎮而爲縣則新史輿地志諸書不應畧而不言也若夫雲間之名則自陸士龍對張茂先所謂雲閒陸士龍一語云

道里

邑之四垂祥符舊經書之詳矣至於去州遠近考之元和郡國圖志元豐九域志不能無少異者蓋元和云百七十里舉蘇州而言也元豐云百二十里舉秀州而言也若夫四至八到大抵皆水程也

縣境東西長一百六十里南北闊一百七十三里

東至海八十里

西至平江府長洲縣界八十里

南至海九十里以小官浦為界

北至平江府崑山縣界八十里

東南到明州界九十里

西南到海鹽縣界六十里

兩縣相去一百二十里

東北到平江府崑山縣界一百十里

兩縣相去一百三十三里

西北到平江府崑山縣界一百五十里

兩縣相去二百里

城社



縣之有城蓋不多見華亭邑於海墻或者因戍守備禦而有之紹興乙亥歲酒務鑿土得唐燕胄妻朱氏墓碑以咸通八年窆於華亭縣城西一里鄉名脩竹是唐之置縣固有城矣廢興之由莫得而詳疆域尙髣髴可識云

縣城周回一百六十丈高一丈二尺厚九尺五寸  
古城在縣西南六十里

按祥符圖經載古城今未詳所在

社壇在縣西北二里

鎮戍

一百六十五里南北闊一百六十三里

華亭襟帶江海上而吳晉近而吳越嘗築城壘置防戍所以控守海道者至矣今沿海鎮寨倍於他邑是亦捍置上流之意云

青龍鎮去縣五十四里居松江之陰海商輻輳之所鎮之得名莫詳所自惟朱伯原續吳郡圖經云昔孫權造青龍戰艦置之此地因以名之國朝景祐中置文臣理鎮事以右職副之今止文臣一員政和間改曰通惠高宗卽位復爲青龍云

管界水陸巡檢司在青龍鎮中

金山巡檢司在縣東南九十里

戚滌巡檢司在縣東南一百里

杜浦巡檢司在縣東北七十里

坊巷

坊巷之名皆因俗之舊非有遺迹故事也今生齒繁阜里閭日闢所誌者特存其舊耳顯善勸義二坊則令楊潛因邑人之孝義者特表之以感化里俗云

石獅巷在縣東一百二十步

石條巷在縣東六十步

倉橋巷在縣東一百步

郭門巷在縣東一百七十步

鹽倉巷在縣西二十步

廣明橋巷在縣西四十步

前巷在縣西六十步

後巷在縣西八十步

亭橋巷在縣西一百三十步

東私路巷在縣西二百五十步

西私路巷在縣西二百六十步

福順廟巷在縣西三百步

莫家巷在縣西三百五十步

竹木巷在縣南二十步

城隍廟巷在縣南五十步

廂巷在縣南六十步

金山忠烈廟巷在縣南七十步

石碑巷在縣南八十步

紀家巷在縣東南一百三十步

毬場巷在縣東南一百五十步

石幢巷在縣西南一百五十步

童家巷在縣西南一百八十步

陸家巷在縣西南二百三十步

丘家灣在縣東北一百八十步



田家灣在縣西南三百五十步二林管里二

顯善坊在縣東南二百五十步六村管里三

勸義坊在縣西南五百四十步八林管里三

鄉里

按祥符圖經元豐九域志華亭管十三鄉寰宇記云舊十鄉今十七鄉考縣之諸鄉與舊經九域志同然唐顧府君墓誌葬北平鄉丘府君墓誌葬昌唐鄉以道里考之北平今北亭也昌唐今仙山也又舊傳脩竹本谷陽鄉三者廢易年月未詳里二村管里二

集賢鄉在縣西北二十里三保五村管里四



集賢 萬安 美賢 清德

華亭鄉在縣東北四十里三保七村管里二

華亭 今旗亭

脩竹鄉在縣西九十里三保十二村管里三

濮陽 儀鳳 驅塘

胥浦鄉在縣西南五十里三保九村管里五

胥浦 壇浦 平江 朱涇 治宅

風涇鄉在縣西南六十里三保八村管里三

風涇 涂繆 養民

新江鄉在縣北七十里四保十二村管里二

新江崧宅

北亭鄉在縣東北八十里四保十六村管里三

崧子北亭封林

海隅鄉在縣西北九十里四保十一村管里二

蘊土漢成

高昌鄉在縣東北一百二十里九保十五村管里四

高昌盤龍橫塘三林

長人鄉在縣東九十里六保十二村管里三

長人將軍高陽

白砂鄉在縣東南一百二十里三保十村管里三

白砂 九稜 橫林

仙山鄉在縣東南三十里三保六村管里六

仙山 顧亭 新涇 柘湖 少平 臨湖

雲閒鄉在縣東南一百里四保十村管里四

招賢 白苧 雲閒 小平

學校

學舊有記五嘗考其本末天禧閒有夫子廟而已湫隘  
庫陋旁不可為齋館後六十有五年陳侯謚始欲興學  
邑人衛公佐公望獻縣之東南地且自度殿材為買國  
子監書以資諸生如是數年至令劉鵬始克就緒學之

成其難也如此紹興以來楊壽亭周極侍其銓相繼脩  
之今學舍整好什百俱備學糧租錢視他處爲厚國家  
所以養士者可謂無負矣

在縣東南二百步堂曰明倫齋五曰居仁由義隆禮育

才養性

堂舊名進德令  
楊潛改今名

公太版籍

華亭置縣始於天寶唐史志地理蓋舉天寶之盛而言  
之蘇州所統縣七今秀州之地皆屬焉其爲戶七萬六  
千四百二十一日六十三萬二千六百五十國朝九域  
志所載秀州四縣之籍戶十三萬九千一百三十七視



唐蘇州七縣之數幾倍之矣華亭一邑舊圖經所書主  
戶五萬四千九百四十一口十萬三千一百四十三今  
見管戶九萬七千今蘇州之賦皆屬焉其餘吳小萬六

姓氏

蘇州府志卷一

左太冲吳都賦云其居則有高門鼎貴魁岸豪傑虞魏  
之昆顧陸之裔注謂虞魏顧陸皆吳之貴姓陸士衡吳  
趨行云八族未足侈四姓實各家注引張勃吳錄曰四  
姓朱張顧陸也按虞魏朱張概爲吳郡人而顧陸特華  
亭著姓洪慶善世說敘錄述吳郡顧氏而別族者三莫  
知其世次野王則其一也陸氏則自漢之東世爲名族

吳晉以來或以功業顯或以才學稱以唐宰相世系考  
之玩之子始號太尉枝其後有元方象先希聲瑄之孫  
權號侍郎枝其後曰贄曰辰此其源流遠矣

今華物產

華亭負海枕江原野衍沃川陸之產兼而有焉李翰屯  
田紀績頌謂嘉禾在全吳之壤最腴且有嘉禾一穰江  
淮爲之康等語今華亭稼穡之利田宜麥禾陸宜麻豆  
其在嘉禾之邑則又最腴者也縣之東地名鶴窠舊傳  
產鶴故陸平原有華亭鶴唳之歎瘞鶴銘謂壬辰歲得  
於華亭劉禹錫鶴歎詩序亦云白樂天罷吳郡挈雙鶴



雖以歸翔舞調態一符相書信華亭之尤物也太平寰  
宇記稱華亭谷出佳魚蓴菜陸平原所謂千里蓴羹意  
者不獨指太湖也其有資於生民日用者煮水成鹽殖  
蘆爲薪地饒蔬茹水富蝦蟹舶貨所輾海物惟錯茲土  
產大略也寰宇記又於崑山縣載吳地記云石首魚冬  
化爲鳧小魚長五寸秋社化爲黃雀斯言固涉迂怪然  
今華亭亦多野鳧棟始華而石首至霜未降而黃雀肥  
豈非縣本崑山之地故歟

廨舍

縣自宰貳而下邑僚凡十五員四鹽場四巡檢之居邑

外者不與焉公宇之視他邑亦盛矣舊有提舉市舶廨舍在縣之西乾道二年併舶司歸漕臺今廢縣治在市東北五十步因大門爲之樓其手詔亭頌春亭皆在門外之東偏正廳之前因中門爲敕書樓架閣有東西樓在兩廡閒東廡分列諸吏舍西廡則諸庫分隸焉

縣丞廨舍在縣西一十步

主簿廨舍在縣西七十步

縣尉廨舍在縣東二百三十步

監鹽廨舍在縣西南三百步

監酒廨舍在縣西三百步

造船場官廨舍在縣西南五百四十步

市舶務監官廨舍在縣西南二百九十步

監稅廨舍在縣西七百一十步

支鹽官廨舍在縣南二百一十步

場務

利之在官者輕爲之名色則其後卒不可去爲他日無窮之弊邑之版帳其初已難辦紹興閒爲邑者額外釀酒以求辦其數州家以爲擅其利也盡拘爲月椿於是酒額幾倍前日歲未免敷之於民乾道中始議蠲減而以南四鄉苗稅折錢補之若夫減民生日用之稅則自

高宗紹興以來而然版帳本州坐下一歲錢二十一萬九千五百二十六貫五百文而諸色泛拋主管司縣官俸給支遣不與焉

酒務清煮兩界祖額六萬六千二百五十貫一百四十八文遞年趁辦實一十一萬五百八十九貫一百六十文稅務祖額六萬一千七百一十三貫七百四十四文自紹興以來捐柴薪麥麩等稅外歲合趁辦四萬八千四百六十三貫七百七十四文

住賣茶遞年九十萬一千七百一十九斤  
住賣鹽遞年六十九萬九千九百斤



住賣香遞年三十二斤一十六兩一錢

住賣礬遞年一千八百五十斤一十六斤

鹽監統縣祖額五十四萬七千三百四十九碩九斛九

勝五合宋幣染毒遞年餘宋幣合銀錢四萬八千四

酒務在縣西五百九十步一十三貫一百四十四文自

平準務在縣西今廢一貫五百八十八文貫一百六十六文

稅務在縣西七百步一貫六千三百五十五貫一百四十四

東稅務在縣東八百步

市舶務在縣西六百步百文而南色文賦生管同總官

造船場在縣西南五百四十步坐正一歲三十一貫



金山稅場在縣東南九十里

浦東鹽場監官廨舍在縣南七十里

浦東場在縣南七十里

金山場在縣東九十里

遮山場在縣東七十里

柘湖場在縣南七十里

橫浦場在縣南七十里

袁部鹽場監官廨舍在縣東南一百里

袁部場在縣東一百里

六鶴場在縣東九十里

橫林場在縣東一百里

蔡廟場在縣東南一百里

戚滌場在縣東南一百里

青村鹽場監官廨舍在縣東九十里

青村南鹽場在縣東九十里

青村北鹽場在縣東九十里

下砂鹽場監官廨舍在縣東南九十里

下砂南場在縣東南九十里

下砂北場在縣東南九十里

大門場在縣東南一百里

杜浦場在縣東南八十里

南踰鹽場在縣東北一百二十里去縣既遠江灣場受納人戶產稅則屬本縣

### 倉庫

秀屬邑四而華亭租賦視他邑爲最歲盡歸於郡倉無復輸於邑者昔劉發記濟民倉謂民之輸於州者以爲勞我願築倉於縣以時其入今也不然豈時異而事不同耶鹽倉三本屬常平茶鹽司因附書焉

濟民倉在縣西湖之東北嘉祐八年建

常平倉在縣南一百五十步元祐元年建乾道八年廢

併入濟民倉今爲支鹽官廨舍

北鹽倉在縣西北三十步

西鹽倉在縣西湖之東乾道七年廢併入北鹽倉

支鹽倉在縣西北三十五步乾道六年閏五月奉朝旨

移置本縣

轉般倉在縣東南三十六里張涇堰之下乾道八年置  
專爲浦東運鹽設也

諸色官錢庫在縣治之西廡

稅賦

諸鄉稅租輕重大略與鄰邑無大相過若夫雲閒仙山



白砂胥浦四鄉歲輸秋租獨爲緡錢者自鹹水爲害四鄉皆爲斥鹵之地乾道中旣築隄堰民漸復業會邑人以酒額虛數告病時參政錢公良臣請於朝乞捐減酒額且以南四鄉租稅償之苗碩爲錢三千省視北九鄉稍優惟是隸於版帳月解之數民未免先期而輸亦其勢然也

夏稅

一十五萬三千三百五十三貫六百十五文樂天黨秋苗

粳米一十一萬二千三百一十六碩九斗一勝四合



六勺一抄

橋梁

跨川爲梁澤國居多故吳中三百九十橋見於樂天篇  
詠所從來舊矣華亭環邑皆水須橋以濟且以顧會一  
浦觀之紹興乙丑歲浚治此浦於河之東建石梁四十  
有六他可知已今縣治之內砭石盤巖若架木而成者  
數踰七十不可殫紀姑舉通衢之高大者揭名如左  
縣橋在縣南一十步  
市橋在縣西三十步  
舊米倉橋在縣東二百二十五步

徐氏校刊

震橋在縣東二百三十五步其上飛宇翼然俗呼爲東  
亭橋又名虹橋政和閒邑宰姚舜明謂主位頗虛作亭  
以鎮之

郭門橋在縣東二百三十步

廣明橋在縣西二十步

望雲橋在縣西七十步

大吳橋在縣西北二百五十步

妙明橋在縣西北二百五十八步

西亭橋在縣西市二百八十步飛閣於上今名麗澤橋

普照寺橋在縣西二百八十步

悅安橋在縣西四百八十步橋側鐫一佛字稍大俗呼佛字橋

坊橋在縣西五百九十步

平政橋在縣西六百二十步

長壽橋在縣西七百五十步

太平橋在縣西南五百四十步

合掌橋在縣西南四百一十步

德風橋在縣西南四百七十步

瑄湖橋在縣西南五百步在陸瑄養魚池西南卽今之

西湖

沙家橋在縣西南四百步

丁行橋在縣西南二百七十步

三橋在縣西南二百五十步

鳳凰橋在縣西南二百九十步

新橋在縣南二百八十步

迎仙橋在縣東南四百步

望仙橋在縣東南四百步

米市橋在縣東南三百三十八步

莊老橋在縣東南二百五十步

居士橋在縣西北三百五十步



東榮橋在縣東七百二十五步

張塔橋在縣東八百十步

明星橋在縣東一千一百十步

永安橋在縣西北三百七十步

淨土橋在縣東南四百十步

通利橋俗名俞塘橋在縣東北五里以下四橋在縣之

外

安就橋跨古浦塘在縣西三里俗呼跨塘橋

通濟橋在縣西南四十八里跨古泖俗謂泖橋長六百

尺廣一丈



鳳皇橋在縣西北二十七里跨顧會浦西接鳳皇山之尾因山得名

古鳴鶴橋在縣東北岡身吳越武肅王錢氏造華嚴院於此今呼爲北板橋

### 亭館

古者君子必有游息之所舒廣其視瞻清甯其心志非以爲觀美也邑之亭館無幾廢者不復興存名稱屢易而棟宇勿治其暇爲觀美哉姑志之以俟後之思舊者芳蘭堂

縣治之中堂政和中令姚舜明爲之記

思齊堂

舊曰弦歌堂在縣治之東朱之純集有縣齋詩序元祐庚午令彭城劉鵬新其堂曰弦歌亭曰三山閣曰良閣今日思齊未詳改易年月

東堂

舊曰三山堂在縣之東偏亭下有三山在水中朱之純有三山亭詩即此也其後有改曰貽牟者紹興中陳祖安為令溫大著革為易今名溫有東堂詩鳴琴拂榻此遊衍作詩何止誇釐牟即此堂也

招鶴亭

舊曰良閣在縣東偏宋之純良閣詩畫閣峨然冠翠  
巒更瞻良地特嶢峒今日招鶴未詳改易年月

### 盡心堂

在縣治西偏莫詳建立年月初政和閒姚舜明爲邑  
撫摩其民無所不盡其敬嘗以元豐元符斷獄之制  
書而揭之獄乾道八年令陳岫始移置堂之中榜曰  
盡心蓋取吾夫子所謂刑者例也例者成也一成而  
不可變故君子盡心焉之意且自爲之記其後葉仲  
英始改曰琴堂

### 思堂

在丞廳本舊鹽監章棗質夫為鹽監官作思堂於公  
字東坡及質夫族人望之為記今廢

棲鸞

在簿廳東偏乾道元年簿鄭茂建

公餘風月

在簿廳後嘉定九年簿四明陸厘建

折桂閣

在尉廳之中天聖四年秉義郎縣尉江炳建右文殿

脩撰李公夔元豐初為尉時生大丞相忠定公綱於

此俗因呼為相公閣淳熙十一年尉巫清允改曰折

桂今廢

夢燕堂

嘉定十二年尉鄱陽洪僊即相公閣之故基建堂於其上取唐張燕公事榜以今名

西亭

在尉廳西偏皇祐四年尉鄭方平造紹興閒太師嗣秀王伯圭爲尉時重建後尉巫清允再脩改曰易春繼復傾圮扁榜不存嘉定十三年尉洪僊復新之仍立舊名

逃禪



尉巫清允建後廢嘉定十三年尉洪備拭東廡一堂  
以舊名榜之

敬齋

尉巫清允建後廢嘉定十三年尉洪備闢夢燕堂之  
西偏揭以舊名

梅館

在縣廳西偏淳熙四年尉李昌建

風月堂

在舊船司前瞰瑄湖水光風月在几案閒蓋一勝致  
也初毗陵胡公承美爲之名蓋取白樂天水檻虛涼

風月好之語後鄱陽洪君邦佐始葺而新之曾文清  
公幾有詩曰雖多不用一錢買縱少足供千首詩今  
廢

### 湖光亭

在舊船司風月堂之西偏曾文清公幾有詩曰一天  
倒影澄秋色萬頃浮波浸月華今廢

### 亦足堂

在造船場乾道元年孫紹遠創且爲之記

### 雲閒館

在縣西六百步建炎二年建今廢

濯纓亭

在縣南一十步紹興三年建

谷陽亭

在縣西門外五里乾道七年令堵觀建

人物

雲間人物自東漢有聞焉陸康之祖續以獨行著續之  
祖閔建武中為尚書令范史稱會稽吳人世為族姓遡  
而上之其先十一世祖陸烈為吳令豫章都尉葬於胥  
亭子孫遂為吳人此則機雲先世也推而下之玩之元  
孫慧曉仕齊終輔國將軍自玩至其孫萬載世為侍中

皆有名行時人方之金張慧曉三子僚任僇竝有美名  
時謂三陸慧曉兄子曰閑爲揚州別駕四子厥絳完襄  
完生雲中公中書黃門郎其後有曰瓊曰珍曰瑜曰玠曰  
琰者皆閑之裔史各有傳俱云吳人雖爲陸氏子孫然  
安知其悉居華亭耶按劉璉至吳聞張融與慧曉竝宅  
其閒有池命駕往酌則慧曉已居吳郡矣舊圖經嘉禾  
志所載人物止及冢墓之在茲地者而顧野王陸禕迺  
闕不著今倣其舊而補所遺焉唐錢起考功送陸贄擢  
第還蘇州詩云鄉路歸何早雲閒喜擅名又云華亭養  
仙羽計日再飛鳴據雲閒華亭等語則宣公之先疑亦



有華亭居者然宣公生於天寶以後史傳稱嘉興人故  
不復載若迺聖朝人材之盛未易遽數有國史家傳在  
特書不一書尙俟來者

後漢陸康字季甯吳郡吳人少仕郡以義烈稱舉茂才  
除高成令以恩信爲治寇盜亦息光和元年遷武陵  
太守轉守桂陽樂安二郡所在稱之拜廬江太守申  
明賞罰破賊黃穰等靈帝嘉其功拜康孫尙爲郎中  
少子績

吳陸績字公紀幼年曾謁袁術懷橘墮地者也容貌雄  
壯博學多識星厯算數無不該覽孫權辟爲奏曹掾



以直道見憚出爲鬱林太守加偏將軍雖有軍事箸述不廢

陸遜字伯言祖紆敏淑有思學守城門校尉父駿瀆懿信厚爲邦族所懷官至九江都尉遜少隨從祖廬江太守康在官袁術與康有隙將攻康康遣遜及親戚還吳遜年長於績爲之綱紀門戶呂蒙謂孫權曰陸遜意思深長才堪負重觀其規慮終可大任權乃召遜拜偏將軍右部督代蒙屯陸口後克公安南郡拜撫邊將軍封華亭侯是歲建安二十四年也又以功進封婁侯黃武元年爲大都督大破劉備於夷陵赤

烏七年為丞相卒追諡昭侯

陸抗字幼節遜子也建興元年拜奮威將軍建衡二年  
 都督信陵西陵夷道樂鄉公安諸軍事治樂鄉鳳皇  
 元年晉車騎將軍羊祜率師向江陵抗棄江陵赴西  
 陵破走晉荊州刺史楊肇遂陷西陵貌無矜色謙沖  
 如常故得將士歡心抗告其邊戍各保分界於是吳  
 晉之間餘糧栖畝而不犯牛馬逸而入境可宣告而  
 取抗與祜有僑札之好二年拜大司馬荊州牧卒子  
 晏景玄機雲分領抗兵景字士仁拜騎都尉封毗陵  
 侯偏將軍澡身好學箸書數十篇

陸凱字敬風丞相遜族子也黃武初爲永興諸暨長所  
在宥治迹拜建武都尉領兵雖統軍眾手不釋書五  
鳳二年拜偏將軍封都鄉侯遷盪魏綏遠將軍征北  
將軍鎮西大將軍進封嘉興侯寶鼎元年遷左丞相  
乃心公家義形於色表疏皆指事不飾忠懇內發建  
衡元年卒

陸瑁字子璋丞相遜弟也少好學篤義州郡辟舉皆不  
就嘉禾元年公車召拜議郎選曹尙書孫權欲親征  
公孫淵瑁再上疏諫權嘉其詞理端切遂不行子喜  
字文仲亦涉文籍好人倫吳選曹尙書晉散騎常侍

陸禕凱子也爲黃門侍郎偏將軍凱亡後入爲太子中  
庶子華覈表薦禕曰體質方剛器幹彊固董率之才  
魯肅不過在戎果毅臨財有節初孫皓常銜凱數犯  
顏忤旨又陸抗時爲大將故以計容忍抗卒後竟徒  
凱家於建安天紀二年與從弟式召還建業復將軍  
侯

按征北將軍陸禕墓碑云字元容赤烏六年徵宿衛  
郎中後遷立義都尉五官郎中騎都尉遷黃門侍郎  
封海鹽侯晉平南境爾乃撫戎入賓皇儲而吳志止  
附見凱傳凱嘗爲征北將軍至於天紀二年陸禕召



還建業復將軍侯乃見於陸胤傳末豈禕亦嘗襲封  
征北侯於海鹽天紀中復其舊爵而史失其傳耶

晉陸機字士衡吳郡人也父抗吳大司馬機身長七尺  
其聲如鐘少有異材文章冠世伏膺儒術非禮不動  
抗卒領父兵爲牙門將後成都王穎討長沙王乂假  
機後將軍河北大都督爲孟玖等譖於穎言其有異  
志使牽秀密收機秀兵至機釋戎服著白帟謂秀曰  
成都命吾以重任辭不獲已今日受誅豈非命也因  
與穎牋詞甚悽惻旣而歎曰華亭鶴唳豈可復聞乎  
遂遇害於軍中



弟雲字士龍六歲能屬文性清正有才理少與兄機齊名雖文章不及機而持論過之號曰二陸幼時吳尚書廣陵閔鴻見而奇之曰此兒若非龍駒當是鳳雛年十六舉賢良吳平入洛成都王穎表爲清河內史後上雲使持節大都督前軍爲孟玖所怨穎殺之

晉陸曄字士光吳郡吳人也少有雅望從兄機每稱之曰我家世不乏公矣元帝鎮江左辟爲祭酒遷太子詹事時帝以侍中皆北士宜兼用南人曄以清正著稱遂拜侍中徙尚書領州大中正明帝卽位累遷至錄尚書事加散騎常侍成帝踐阼拜光祿大夫後因

歸以疾卒贈侍中謚曰穆

陸玩字子瑤暉弟也器量淹雅弱冠有美名尚書左僕射領本州大中正及蘇峻反遣玩與兄暉俱守宮城玩潛說康術歸以功封興平伯轉尚書令又詔授左光祿大夫開府儀同三司加散騎常侍

陸監字始明璩之子少而隱靜方直抗烈除後將軍司馬以功封西陽亭侯

陸景文字叔辯初爲安吉令遷太守卒

陸宏績之長子會稽南部都尉

顧野王字希馮吳郡吳人也祖子喬梁東中郎武陵王

府參軍事父烜信威臨賀王記室以儒術知名野王  
徧觀經史精記默識天文地理著龜占候蟲篆奇字  
無所不通又善丹青陳天嘉中領大著作掌國史後  
爲黃門侍郎光祿卿卒贈祕書監右衛將軍有玉篇  
三十卷輿地志三十卷國史紀傳二百卷文集二十  
卷

古蹟

雲間所謂古蹟往往多自袁陸之舊其後又有顧希馮  
居縣之東南遺址在焉景祐閒侍讀唐公詢爲邑嘗按  
舊經爲十詠今祥符圖經反不及焉毋乃唐公所取有

別本耶祥符所記疏略甚矣閒有一二可取今合二家書參之傳記以補其遺其先後一以歲月爲序若夫田夫野叟指某水曰始於某人某丘曰始於某人似若可聽卒無所稽據闕而不書以俟後之博洽者

### 金山城

在縣南八十五里高一丈二尺周回三百步舊經昔周康王東遊鎮大海遂築此城南接金山因以爲名

### 吳王獵場

舊圖經云吳王獵場在華亭谷東吳陸遜生此子孫嘗所遊獵後人呼爲陸茸其地後爲桑陸按陸龜蒙



吳中書事詩云五茸春草雉媒嬌注謂五茸者吳王  
獵所茸各有名今所謂陸機茸豈其一耶

闔閭城

寰宇記云袁崧城東三十里夾江又有二城相對闔  
閭所築備越處

秦始皇馳道

在縣西北崑山南四里相傳有大堽路西通吳城卽  
馳道也輿地志云秦始皇至會稽句章渡海經此按  
漢賈山至言秦爲馳道徧於天下東窮燕齊南極吳  
楚此所謂馳道之麗非耶



柘湖土水事之資傳南流景烈于楚吳主祭於湖  
舊圖在縣南七十里湖中有小山生柘樹因以爲名  
吳越春秋元和郡國圖志海鹽本秦縣漢因之其後  
縣城陷爲柘湖移於武原鄉後又陷爲當湖宋武帝  
紀晉隆安五年孫恩北出海鹽帝築城於故海鹽恩  
知城不可下進攻滬瀆則帝嘗於是築城矣又吳地  
記秦時有女子入湖爲神湖周回五千一百一十九  
頃其後湮塞皆爲蘆葦之場今爲湖者無幾

陸機宅

陸士衡贈從兄車騎詩髣髴谷水陽李善注引陸道

瞻吳地記曰海鹽縣東北二百里長谷昔陸遜陸  
凱居此元和郡國圖志華亭谷在縣西三十五里陸  
抗宅在其側故遜封華亭侯太平寰宇記陸宅在  
長谷谷在吳縣東北二百里谷周回百餘里谷水下  
通松江昔陸凱居此谷吳地記云漢廬江太守陸康  
與袁術有隙使姪遜與其子績率宗族避難居於是  
谷舊圖經云華亭谷水東有崑山相傳卽其宅合是  
數說觀之世傳普照寺爲陸宅非也然建康亦有  
陸機宅建康實錄云在縣南秦淮之側李太白題王  
處士水亭云齊朝南苑是陸機宅按吳主孫皓徙都

建康機雲嘗分領父兵爲牙門將得非機仕於朝則  
居建業而華亭迺其里第耶又有八角井按九域志  
在機宅之側

### 陸瑄養魚池

唐彥猷華亭十詠按舊圖在縣西今名瑄湖卽陸瑄  
所居相傳有宅基存焉而大中祥符圖經瑄湖在縣  
西北三十五里周回九里吳尙書陸瑄養魚池因以  
爲名今縣之西南隅有湖廣袤三里卽瑄湖也中有  
堂基今爲放生池

### 黃耳冢

述異記陸機少時頗好獵在吳有家客獻快犬曰黃耳機仕洛常將自隨此犬黠慧能解人語機久無家問為書盛以竹筒繫犬頸走向吳到機家得荅復馳還洛後犬死還葬機家村南二百步聚土為墳村人呼為黃耳豕按商芸小說云後分華亭村南為黃耳村以犬豕為號焉獨劉貢父詩話疑以黃耳為僕未知何所據也

滬瀆壘

舊有東西二城東城廣萬餘步有四門今徙於江中餘西南一角西城極小在東城之西北以其兩旁有



東西蘆浦俗遂呼爲蘆子城按瀆之有壘舊矣晉史  
虞潭傳潭爲吳國內史成帝時軍荒百姓飢饉潭脩  
滬瀆壘以防海寇又通鑑晉隆安四年冬十一月吳  
國內史袁崧築滬瀆壘以備孫恩明年恩陷滬瀆崧  
被害寰宇記以爲袁崧城在縣東百里滬瀆江邊今  
爲波濤所衝半毀江中

### 築耶城

在縣東三十五里高七尺周回三百五步舊經曰晉  
左將軍袁崧所築今遺址尙存

### 袁崧宅



在縣西北三十五里舊經云昔袁崧居此因以爲名  
按晉史袁崧傳崧陳郡陽夏人則其始未嘗居華亭  
也隆安四年爲吳郡太守嘗築滬瀆壘以禦孫恩明  
年崧被害於滬瀆或者崧之後就居於此乎

### 烽樓

在顧亭林南按法雲寺記載唐隰州司倉支令問妻  
曹夫人墓誌云葬之顧亭林市南烽樓之側今亭林  
南岡阜相望卽古者沿邊築臺舉烽燧之地寰宇記  
南帶海上有烽火樓基吳時以望海處今其遺址尙  
存世傳亭林岡隴顧侍郎墓非也祥符吳郡圖經顧

侍郎墓在吳縣西南三十五里橫山東則當以曹氏

墓誌為據

顧亭林

王舊經顧亭林湖在東南三十五里湖南有顧亭林陳

顧野王居此因以為名焉今為寶雲寺寺有伽藍神

記云寺南高基野王曾於此脩輿地志世傳以為顧

野王讀書墩

陳朝檜

在滬濱靜安寺世傳以為陳朝檜對植殿庭之左右

陸龜蒙皮日休有重

犯聖祖諱

寺雙檜詩即此也政和

閒朱勛圖以進有旨遣中使取之時中使欲毀三門  
而去一夕風雨震雷忽碎其一今殿右者尙存葉夢  
得避暑錄以爲朱沖畫旨取平江白樂天手植檜與  
華亭悟空禪師塔前檜皆唐時故物石林以爲悟空  
禪師塔前誤矣按臨安志悟空塔亦有雙檜東坡詩  
所謂當年雙檜似雙童者然在鹽官耳

王可交升仙臺

在隆福寺前遺址尙存按續仙傳可交初居松江  
江南後入四明山不復出初無上升之事或傳爲王淡交  
淡交不事繩檢能爲詩語多滑稽似傲世者然江上

有感行詩石刻云王可交升仙壇則或者之說又未  
然也  
寒穴泉  
在金山山居大海中鹹水浸灌泉出山頂獨甘冽朝  
夕流注不竭毛澤民作寒穴泉銘以爲與惠山泉不  
古可分等差王介甫唐彥猷梅聖俞皆有詩

白龍洞

在橫雲山西南絕頂洞口闊三丈其深不可知山之  
半有祭龍壇方丈許歲旱嘗禱焉按朱之純文集云  
皇祐中吳公及宰華亭浙西旱蝗蘇秀爲甚公禱橫



山之神卽致甘雨蝗不入境

白芩城

在縣南四十里高一丈周回二萬步舊經云地生野

白芩因以爲名今俗云白芩滙

古岡身

在縣東七十里凡三所南屬於海北抵松江長一百

里入土數尺皆螺蚌殼世傳海中湧三浪而成其地

高阜宜種藝菽麥朱伯原吳郡圖經所謂瀕海之地

岡阜相屬俗謂之岡身此天所以限滄溟而全吳人

也

孔宅未嘗出至吳中缺林池以闕錄

山

在縣北七十五里海隅瀆熙閒居民浚河得一碑云  
天寶六年黃池縣令朱氏葬於崑山縣全吳鄉孔子  
宅之西南孔宅之名舊矣今其地有夫子廟在慧日  
院側瀆熙閒院僧疏廟陝渠得寶玉凡六事三璧二  
環一簪今藏之縣庠舊圖經云昔有姓孔者游吳居  
此蓋吾夫子未嘗適吳以闕里譜系考之孔氏二十  
二代潛後漢太子少傅避地會稽遂爲郡人二十九  
代滔梁海鹽令三十二代嗣哲隋吳郡主簿三十四  
代犯仁宗嫌名隋蘇州長史豈孔氏子孫有僑寓宦游

於吳而遂居華亭者耶亦猶建康有孔子巷迺聖亭  
侯所奉之廟蓋子孫卽所居立先聖廟耳今廟側又有  
梁紇廟其爲子孫奉祀之地明矣所瘞璧玉簪佩之  
屬意其孔堂之遺寶得非子孫葬先聖衣冠寶璧於  
是地乎然其旁有宰我犯上敢敢顏淵并此則因孔  
宅之名而遷合傳會未可知也舊圖經又云晉鄒湛  
亦嘗居焉亦名鄒孔宅按鄒湛傳南陽新野人湛嘗  
見一人自稱甄舒仲乃悟曰吾宅西有積土敗瓦其  
中必有死人檢之果然厚加斂葬初不言宅在何地  
湛未嘗仕至吳中姑存此以闕疑

止

雲閒志中

仙梵

自吾道不明而釋老之教始行若藏奩可交之徒於其教不可謂無所得者揆之吾教不當書夷考方志往往不廢其人故亦得以載焉

心鑑禪師

高僧傳藏奩姓朱氏蘇州華亭人也母方娠及誕嘗聞異香未冠禮道曠禪師出家詣嵩嶽受具戒再詣王洩山入靈默大師室參授道要唐大中十二年洛下脩長壽寺敕奩居焉明年歸姑蘇再住明州棲心



寺所在禪者雲集凡入師室者疑難冰釋咸通七年  
示寂葬於天童山其徒以行狀詣闕請謚賜號心鑑  
塔曰壽相

朱涇船子和尙

傳燈錄名德誠入藥山洪道禪師室大明宗旨與道  
吾雲巖爲道契自離藥山小舟往來松江朱涇以輪  
釣度日人號船子和尙時夾山善會禪師往京口鶴  
林寺道吾知其所得尙淺令往參船子和尙會造朱  
涇見誠大契宗旨辭行再四回顧誠喚會回立起橈  
曰汝將謂別有耶迺覆舟而逝唐咸通十年僧藏暉

卽其覆舟處建寺焉

聰道人

靈鑑塔銘云姓仰氏名德聰初受具戒於梵天寺參請諸方密契心印太平興國三年結廬於余山之東峯有二虎大青小青爲侍有造之者見掛一書梁間問之曰此佛經也問嘗讀否曰如人看家書一遍旣知其義何再讀爲嘗曰古人貴行吾何言哉其他問者皆默然不對天禧元年七月跌坐而逝閱月容貌如生

王可交

續仙傳蘇州華亭人也以耕釣爲業居松江趙屯村  
一日權舟入江方擊楫高歌忽見彩舫漾於中流有  
道士七人中有呼可交者頃之不覺舟近舫側有呼  
可交上舫者道士皆視之一人曰好骨相合仙生凡  
賤閒已灸破矣一人於筵上令侍者傾酒飲之不出  
與二栗食之甘如飴命黃衣送上岸覓所乘舟不可  
得但覺風水林木之聲開眼峯巒重疊松柏參天乃  
在天台山瀑布寺前僧迎問之曰今早離家蓋三月  
三日僧言九月九日已半年餘矣僧設食可交厭聞  
食氣自後絕穀挈妻子住四明山不復出今人時有

見之者二百六十卷... 中... 大... 寺... 大... 寺...

晉興寺觀

浙右喜奉佛而華亭為甚一邑之間為佛祠凡四十六  
緇徒又能張大其事亦可謂盛矣故迹其創造歲月而  
次第之道宮一附見焉... 靜安寺... 聖祖諱

在滬瀆按寺記吳大帝赤烏中建號滬瀆重

犯... 聖祖諱

寺佛法入中國雖始於漢而吳地未有寺也赤烏十  
年康僧會入境孫仲謀始為立寺建鄴曰建初建初  
者言江東初有佛法也豈滬瀆寺相繼創建耶景筠



石幢記中間號永泰禪院本朝祥符元年改今額釋

迦方志云晉建興元年有三石像浮於吳松江口吳

人朱膺等迎至滬瀆重犯國寺像背題曰維衛曰

迦葉松陵集建興八年漁者於滬瀆沙汭獲石鉢以

為曰類輦而用之佛像見於外漁者異之乃以供二

聖今佛與鉢皆在平江開元寺有毗盧遮那佛吳越

王瑜迦道場中像佛五臟皆書錢氏妃嬪名氏有陳

朝檜皮日休陸龜蒙有重犯國寺雙檜詩四十六

普照寺

在縣西二百八十步唐乾元中建初名大明寺大中

祥符元年改今額寺有陸將軍祠世傳地本陸氏園  
亭因以祠焉世傳固未可信而嘉禾詩文乃謂陸機  
捨宅爲寺亦妄矣機歿於晉太安二年而寺建於唐  
乾元中豈得爲機捨宅乎或恐其後子孫按晉史世  
說敘錄機之子蔚夏同父遇害於洛中雲之後亡又  
機故宅在華亭谷東崑山下非今邑中也寺有北方  
天王祠吳越王加封護國石刻存焉沈存中筆談載  
雷震天王寺屋柱倒書曰高洞楊雅一十六人火令  
章凡十一字內令章兩字特奇勁似唐人書體今石  
刻尙存卽此寺天王堂也寺之東北隅有善住教院

傳賢首宗此寺天王堂西有文東非謂有善卦幾刻

圓智寺寺在因合章兩字卦符便妙觀人精斷今曰

在干山舊名禪居按宗毅寺記唐大中十三年建之於邑西南二里晉天福中水壞寺基始遷於干山太平興國中都水使錢綽始建造堂宇有僧憲蟾入天台韶國師室來住此寺人多歸之精舍始全備朝廷賜蟾師號曰崇惠明教治平中賜今額

寶雲寺寺在因合章兩字卦符便妙觀人精斷今曰

初名法雲寺在顧亭林市西北隅大中十三年建晉天福五年湖水壞寺基始遷寺南高基卽陳顧黃門

故宅寺有顧黃門祠有沈瑊及靈鑑寺記伽藍神記  
賦治平中賜今額

普門院

在盤龍去縣五十里唐大中十二年吳人陸素建本  
名觀音院祥符元年賜今額寺有石天王舊傳因大  
水漂至今多禱之

寶相寺

在縣西南三百步本清禪尼寺唐乾符元年造大中  
祥符元年賜今額

方廣寺



在柘林去縣八十里唐咸通六年造按寺記蔡侍郎

功德院建隆中賜額延壽院治平元年改今額寺有

蔡侍郎祠

詳見祠廟門

蔡氏墳塋在寺之左右石幢猶蔡

賈氏故物

法忍院

在朱涇去縣三十六里卽船子覆舟處所唐咸通十

年建本名建興院治平元年賜名法忍寺有船子和

尚夾山會禪師遺像至今祠焉

超果寺

在縣西三里本名長壽寺唐咸通十五年心鏡禪師

造按唐會要洛陽伽藍記武后以齒髮既老造長壽寺於東京改元長壽又高僧傳載心鏡禪師藏奩蘇州華亭人會昌廢寺大中復修洛下長壽寺勅奩居焉奩後嘗歸鄉造寺豈此復名長壽寺乎盧仝集訪曦上人詩有三入寺曦未來及含曦荅詩長壽寺石壁盧公一首詩之語玉川先生居洛城裏則長壽寺固其常遊也今乃以盧詩爲在華亭則妄矣治平元年改今額有觀音大士像寺有石刻云本錢武肅王宮中所祈禱者太平興國中錢氏歸國僧慶依得之未知所適一夕夢白衣人告曰吾與若偕之雲閒既

寤乘舟而來將至縣西大士舒祥光下貫超果遂迎以祠焉至今雨暘皆禱之寺有天台教院按芝園集雲間超果十方學校香嚴湛創建有陳舜俞爲之記

福善院常教山今改以靈精爲其華亭順安矣前平元

福善院在趙屯梁犯名明六年僧智道立精舍晉

天福二年賜名尊勝院大中祥符元年改賜今額

明行院於晉趙縣故皆豈此與晉其嘉善平靈全藥福

在南橋晉天福五年里人蔣漢城造請於錢忠懿王

始名安和院至太平興國八年改賜今額補滿其

院記會要各縣而蓋諸海風以商變焉各處具

華亭圖謀載春秋時夫差三女子墓田曰三女岡聲詩  
則播諸唐令尹詢并荆公王介甫都官梅聖俞邇岡之  
刹曰安和晉天福五年蔣漢瑊環堵中芬陀利花擢於  
陸聚族而謀曰是八吉祥六殊勝處盍施諸釋梵家遂  
基此刹楨榦於是者曰本立病潮齧岸址白漢瑊議徙  
於此改曰明行用淮海王錢中令歸朝所請之額堂宇  
樓殿金碧煥粲雲棲鴛鴦月行璇題具如經說凡所當  
有岡不具藏乘三千餘卷棗柏大土華嚴合論在焉鐘  
梵壓萬籟爲一方宅心純想之地遷善遠罪者咸知鄉  
方一燈長明四檀委輸規矩準繩有條而不紊五季方



中水立晝昏真人應期民登衽席聖聖授受幾三百年  
未聞識載固自若也云胡惠日求紀述爲日曰故國喬  
木其大蔽雨其高垂雲可無封植日冀懋長風雷之鼓  
盪雨露之膏沐而至此也一剝百堵容數千指功倍封  
植惠戒剪伐人天之所瞻龍象之所懷不啻故國喬木  
罔知剝業之艱難則將怠乃訓盍講明以詔後世不亦  
可乎因其說系之以辭辭曰  
五季中民迺遭沸如麋號無天中令君吳越錢奮一旅  
圖萬全玉節勁金城堅玉海國遮中原振義聲開福田  
空寂崇經象傳幢剝建泉貨捐爲帡幪持危顛誓子孫

銘肺肝摛錦繡包山川歸有德同永年帶如河厲如山  
與竺乾無黨偏爾矣鑿乎結惠曰重門鑿泚以資暴容  
勅差臨安府淨慈光孝禪寺住持北礪居簡記莫姓干  
祭文結界記

余作三女岡明行院記於嘉熙初元越二年結大界相  
成薦請紀其事其說曰天可陟吾疆不可入地可陷吾  
疆不可犯不吉祥及諸惡律儀自退舍於廣莫之野而  
無何有之鄉且夫天地之大入荒之廣從而無際衡而  
無朕雖吾廬于柱萬礎磅礪川谷包絡平野眇而眇之  
一餌耳吾身小天地淵平方寸者心也至微也至幽也

出入無時莫知其鄉三灾彌淪心爲本根不鉏其根滋  
蔓罔既乃於是中自燔自溺然則界相在此而不在彼  
曩記錢唐次雄院創建之顛末嘗究其說矣今此舉行  
墜緒補有寺以來闕典故申言之且嘉其事法精至而  
秉法攝僧攝衣攝食唱相羯磨與波羅提木人絲毫不  
忒皆寺之傳教比丘惠日講明而奏厥功乃策其勳而  
系之以辭辭曰

善乎明行大界相之結也彌滿清淨於其內他莫我干  
也噫結固易與爾守難乎哉傳曰重門擊柝以待暴客  
備禦侮也匪擊柝戒嚴於其外則猾闖狡鬪強侵暴陵

重門果何恃譬夫倚界相之固不希勝進樂樂怠傲習  
燕安之鳩自以爲安室利處忘自永多福則非吾所敢  
知

白蓮花詩

僧惠日

神物何由測芬陀陸地興素芳呈玉雪梵刹肇丘陵換  
額從偏霸懸碑自老僧慙勸來者期使續千燈

同前

趙崇森

舊址來從晉中更幾廢興一蓮開陸地三女臥岡陵題  
詠誇先輩流傳得主僧林深鐘梵寂長夜一明燈

同前

高子鳳



地產枝蓮異蓮宮自此興殊祥天不靳奇豔雪堪陵魄  
化疑吳女碑傳有蜀僧何當尋勝槩吟斷佛前燈

同前

惠日

白羽芬葩陸地蓮可曾搖曳水中天冑於素豔分新潔  
不與紅酣開碧鮮玉井無因期摘實金園有兆必開先  
應知瑞與優曇並一朵騰芳萬古傳

同前

僧善月

天開地闢詎云賒異艸靈苗特一家不有岡頭三女粲  
爭敷處子六郎花英雄有種凜生氣白玉微根不受瑕  
他時若補芬陀傳端與優曇定等差

同前

僧居簡

三女岡邊寺樓臺競鬱峩近郊閒梵放陸地出芬陁天  
福雖營刹中原尙枕戈煙塵絕淮海熨帖看鯨波

七寶院

在縣東北七十五里元係福壽院大中祥符元年賜  
今額寺有五代時檜今已合抱

布金寺

在大盈唐大和二年建本法雲禪院治平元年易今  
額紹興閒復爲禪院寺有陳舜俞經藏記

明心院

徐氏校刊

在北橋去縣三十五里按錢武肅王立寺記都水使者錢綽造武肅王以誦華嚴經僧居之因以為華嚴院治平二年賜今額

### 興聖院

在縣東南二百步按孤山閒居集載興聖院結界序

漢乾祐二年邑人張

犯壽皇舊名

之子仁捨宅為寺本

名興國長壽祥符中改覺

犯聖祖諱

院後改今額寺有

嘉祐中賜藏經

### 海惠院

在白牛市建隆初里人姚廷睿以宅為寺初名興國

福壽院治平元年改今額姚卽爲伽藍神

空相寺

在龍華張仁泰請於錢忠懿王始建舊號龍華寺治平元年改今額西北隅有白蓮教院

證覺教院

在縣西南百五十步太平興國二年立本無礙浴院  
惠大中祥符元年賜今額

普照教院

本余山東庵治平二年賜額寺本聰道人所居因以爲寺有聰道人塔在山頂寺有上方日月軒衆山環



列其前蓋絕境也

宣妙院

本余山西庵治平二年賜額寺有上方

惠日院

本余山中庵治平二年賜額

慈雲昭慶禪院

本余山之靈峯庵有馬嶠禪師塔其銘曰禪師傳雲

門正派大闡法席建立精舍復古寺額寺有金沙地

芥子庵

隆平寺

在青龍鎮市元名國清院寺有米元章所書經藏記  
隆福寺

在青龍鎮元報德寺唐長慶元年造

勝果寺

在青龍鎮寺有沈光碑紹聖中呂益柔撰妙悟大師  
希取塔銘云取學天台教緇林號曰義虎後居勝果  
寶寺僧房有鬼物爲祟取爲講說於空中得朱書數十  
字自稱漢朝烈士沈光大略悔過謝罪之語事頗近  
太怪故不詳載

普甯慧日院

晉在孔宅寺有宣聖祠元豐閒賜額

太平興國禪院

在胥浦南去縣四十五里紹興二年請省額

寶勝禪院

在縣東四里紹興六年請省額

演教禪院

在縣南二里紹興二十六年請勅額崇甯中有僧普

願為施水庵鑿地得住世羅漢像十六軀人異之因

立寺焉

慈濟院

在海中金山絕頂元豐閒釋惠安造紹興元年請額  
普光王寺

在薛澱湖中山頂建炎元年請額

延恩報德院

在縣西五里紹興二十四年請額

淨居禪院

在縣東北三百步紹興五年請額

觀音慈報禪院

在縣東北八十里崇甯二年請省額淳熙五年參政  
錢公良臣請賜功德院也



永定禪院

在周浦村瀆熙十四年請額

保安院

在泖西五十里乾道七年請額

廣化漏澤院

在縣西南二里一百步紹興三年請額

寶藏護國禪院

在縣西南五十四里紹興四年請額

興塔院

在縣西南五十四里紹興四年請額

崇福院

在縣東南五十四里紹興四年請額

白蓮寺

在縣西五十四里紹興二十六年請額

大聖院

在縣東五十四里隆興二年請額

報恩院

在縣西四十里乾道二年請額

甯國寺

在縣東北四十五里乾道二年請額

延慶教院

在縣東南三百步乾道六年請額

集福保國水陸禪院

在白牛市之東淳熙九年請額

仙鶴觀

在縣南二百步紹興三十一年復建

祠廟

古者祀有常典凡山川林谷丘陵能出雲爲風雨與夫  
施法於民以歿勤事以勞定國禦大災捍大患者皆得  
以祀之邑之廟祀不一其尤昭著者國之功臣邑之先

哲或歿於民社之寄與夫山川林谷丘陵之能出雲爲  
風雨者亦當矣惜乎歷歲浸久名號弗正稽之傳記不  
足詢之耆老無證姑以所聞著於篇以俟來者

### 東嶽別廟

在縣西二里

### 靈濟昭烈王別廟

在縣西三里神姓張氏其英槩靈迹載桐川神祠蓋  
自漢以來江浙多祠之縣之別廟始於淳熙八年

### 城隍廟

舊在縣西政和四年遷於縣東南七十步唐李陽冰



日城隍神祀典雖無吳越中多祠之今州縣城隍相傳祀紀信云

### 金山忠烈昭應廟

在海中金山去縣九十里別廟在縣東南八十步廟有吳越王鏐祭獻文云以報冠軍之陰德吳越備史云大將軍霍光自漢室既衰舊廟亦毀一日吳主皓

染疾甚忽於宮庭附黃門小

犯

英宗嫌名

曰國主封界

華亭谷極東南有金山鹹塘風激重潮海水爲害非人力所能防金山北古之海鹽縣一旦陷沒爲湖無大神力護也臣漢之功臣霍光也臣部黨有力可立

廟於鹹塘臣當統部屬以鎮之遂立廟歲以祀之宣  
和二年賜顯忠廟五年封忠烈公建炎三年辛道宗  
領舟師由海道護行在所奏加封忠烈順濟且賜緡  
錢以新廟貌四年加封昭應按霍去病爲冠軍將軍  
而霍子孟爲大將軍今備史以爲霍光或者吳越祭  
文不考也嘉禾志有冠軍神廟又有金山廟皆云忠  
烈昭應則以一廟爲二矣

### 廣衛將軍祠

在普照寺寺有石刻載吳越王祭獻文云晉賢陸機  
之祖按吳志機之祖遜初拜撫邊將軍又拜鎮西將

軍又拜上大將軍吳因漢制雖有雜號將軍而考之  
遜傳未嘗有廣衛之號若機高祖紆守城門校尉曾  
祖駿九江都尉亦未嘗位至將軍

陸司空廟

在縣南三里祥符圖經云陸四公未詳所出今俗傳  
陸機廟按晉史機未嘗爲司空爲司空者機之從兄  
弟玩也又原化記云蘇州華亭縣有陸四官廟元和  
初有鹽舩泊於廟前守舩者夜於廟中獲光明珠則  
又以爲陸四官矣

築耶將軍祠

在沙岡有築耶城遺址尙存晉左將軍袁崧築也有  
築耶將軍祠世傳祀袁崧云按晉隆安四年崧以吳  
國內史築滬瀆壘以備孫恩明年恩陷滬瀆崧死境  
內祠之宜也築耶之義未詳

### 顧侍郎祠

在亭林法雲寺有感夢伽藍神記開運元年仲春十  
有一日寺成僧道中智暉夢二青衣來云陳朝侍郎  
至也後忽見一人紫衣金魚儀容清秀曰此地吾之  
故宅荒已久矣師今於上造佛立寺請立吾形像吾  
當護此寺也可尋舊寺基水際古碑爲據明日二人



徐氏校刊

各言其所夢不異就求之果得古斷碑文字破滅云  
寺南高基顧野王曾於此脩輿地志二僧於寺東偏  
建屋立像至今祠焉

通濟龍王祠

在滬瀆故老相傳自錢氏有國已廟食茲土本朝景  
祐五年太史葉清臣為本路漕因浚盤龍滙禱於故  
廟神應如響於是復新祠貌有葉太史祭文刻石於  
廟中

蔡侍郎廟

在縣南白砂鄉八十里舊經云未詳據通幽記貞元

五年在嘉興監徐浦下場糶鹽官場界今諸場亦有  
蔡廟場未詳何神柘林方廣寺有蔡侍郎祠按寺記  
云自古相傳蔡侍郎捨宅爲寺竟無稽考惟石幢題  
云唐咸通六年蔡贊造去父母塋九十步去壽塋十  
六步三代皆當世文儒按犯仁宗真嫌名元則德宗朝也  
咸通則宣宗朝也犯仁宗真嫌名元中已有蔡侍郎祠矣  
雖稗官小說未可盡信不應咸通中蔡始造壽塋也  
豈寺之所祠與蔡廟場所祠各不同乎

### 姚將軍祠

在縣西一十五步初祠於證覺院政和四年始遷於

此未詳何神

福順延德大王祠

在都酒務西未詳何神廟有楊景範造廟石刻云熙甯甲寅到官夢遊福順廟見執簿者臂頰求予治之未幾以漕命遷酒稅於王故宮之基乃用卜宅於茲土豈神之靈有以先授我耶

三姑祠

在柘湖之側吳地志秦時有女子入湖爲神卽此祠也柘湖今湮塞爲蘆葦之場神亦弗祠今澱山湖中普光王寺亦有三姑祠靈甚湖旁三數十里田者與

往來之舟皆禱焉故老相傳秦時人姓邢氏女兄弟  
三人云卽柘湖所祠也

### 崑山

輿地方志推表山川蓋祖禹貢周職方之遺意也水多  
於山右淪皆爾而崇岡峻嶺華亭又無焉特其映帶湖  
海或得名自昔者不可遺軼今敘而目之

崑山在縣西北二十三里高一百五十丈周回八里陸  
機贈從兄士光車騎詩云髣髴谷水陽婉孌崑山陰  
注引陸道瞻吳地記曰海鹽縣東北二百里有崑山  
陸氏父祖葬焉輿地廣記云崑山陸氏之先葬此後



機雲兄弟有辭學時人以玉出崑岡因名之按征北將軍陸禕墓今在山顛

機山在縣西北三十里因陸機得名山下有村曰平原

亦因陸平原名之平原內史即機也干山圓智寺記

云所謂機山者往往排巒列嶺槩為陸氏之家山總

而名焉

橫雲山在縣西北二十三里高七十丈周回五里本名

橫山唐天寶六年易今名與機山相望僅五里許或

云因陸雲名之有白龍洞在山頂之西南隅其深不

可計山下有祭龍壇

澱山在縣北六十里在薛澱湖中周回三百五十步高  
三十丈山形四出如鼇上建浮圖下有龍洞屹立湖  
中亦落星浮玉之類傍有小山初年僅兩席許久之  
浸長寺僧築亭其上榜曰明極

金山在縣東南九十里周回十里高十七丈吳地記云  
有平坡可容二十人坐山北有寒穴其泉香甘

余山在縣西北二十四里高八十丈周回十八里舊傳  
有姓余者居此因名焉按姓苑余姓出南昌

干山在縣西北二十九里高七十丈周回五里舊圖經  
云昔有干氏居此圓智寺記云茲山後皆干氏所有

故以爲名

薛山在縣西北二十四里高九十丈周回七里吳地記

云薛約道居此因以爲名

城山在縣北二十里高八十丈周回五里舊經云山狀

周環如城因此爲名

細林山在縣西北十八里高五十丈周回七里本名神

山唐天寶六年易今名

土山在縣西北二十五里高二十丈周回一里九十步

秦山在縣南六十里高二十八丈周回一里九十步

達岸山在縣東南百六十里海水中周回八里高二十

五丈

竹嶼山在縣東南百八十里海水中周回六里高五十

丈

許山在縣東南二百五十里海水中周回五里高五十

丈

簞山在縣北三十里周回三里高五十丈

遮山在縣東南七十里周回二里高五十丈

浮山在縣東南一百里海水中周回一里一百步高十

丈

蘇山在縣東南一百六十里海水中周回一百五十步



高三十丈

兩一百六十里

巖山在縣西北二十七里周回四里二十二步高四十

丈

在縣東南一百里

鳳凰山在縣西北十八里

周回二里高五丈

陸寶山在縣西北二十五里亦本陸氏家山

水

在縣西北十八里高五丈

華亭號爲澤國其東南則巨浸其西則長泖其北則松

江縈繞二百餘里其浦漵則顧會盤龍崧塘大盈趙屯

五者爲大昔桑欽酈道元生長西北故水經敘西北加

詳而東南疎略識者思欲補欽之遺矣况一邑之水其

能盡言之耶今考五浦之源委而種別之其他陂塘河渠有可書者列次之焉

### 三泖

按廣韻泖水名華亭水也陸龜蒙詩云三泖涼波魚菹動注曰吾遠祖士衡對晉武帝三泖冬溫夏涼蓋謂此也祥符圖經谷泖縣西三十五里周回一頃三十九畝半古泖縣西四十里周回四頃三十九畝今泖西北抵山涇南自泖橋出東南至廣陳又東至當湖又東至瀚海塘而止朱伯原續吳郡圖經曰泖在華亭境泖有上中下之名泖之狹者猶且八十丈又

按海鹽之蘆漑浦海鹽卽武原也行二百餘里南至  
於浙江疑此卽谷水故道水經以爲入海而此浦入  
江蓋支派之異也今俗傳近山涇爲下泖近泖橋爲  
上泖或者其與陸士衡朱伯原之言合按縣圖又以  
近山涇泖益圓曰團泖近泖橋泖益闊曰大泖自泖  
而上縈繞百餘里曰長泖此三泖之異也或以須顧  
泖謝家泖爲三泖此二者在縣之東南一陂澤爾與  
古所謂三泖者相望五七十里殊不知泖自有上中  
下之名也

谷水

言之泖今在縣之東南而蘇隰之其地也

陸士衡詩髣髴谷水陽婉變崑山陰陸道瞻吳地記  
云海鹽縣東北二百里長谷昔陸遜陸凱居此谷  
水東二里有崑山父祖葬焉水北曰陽山北曰陰則  
此水在崑山之北也寰宇記谷名華亭谷水下通松  
江祥符圖經華亭谷水東有崑山元和郡國圖志在  
縣西三十五里朱伯原續吳郡圖經本之酈善長云  
松江東南行七十里入小湖自湖東南出謂之谷水  
南接三泖陸士衡詩所云卽此水也或曰縣之西湖  
卽谷水也湖東灘磧卽唳鶴灘也鶴飲此水其聲則  
清按圖經縣之西湖卽瑁湖也如陸士衡詩吳地記



寰宇記朱伯原續圖經言谷水如此而世傳如彼何也獨祥符圖經曰谷水在縣南長百五十步世之所傳其出於此乎

松江

松江在縣之北境七十里其源始於太湖口而東注於海書曰三江既入震澤底定韋昭以爲三江者松江浙江浦陽江也今浙江浦陽江與震澤不相入韋說非也續吳郡圖經據酈善長云松江自湖東北逕七十里江水分流謂之三江口吳越春秋云范蠡去越乘舟出三江之口入五湖之中謂此也庾仲初揚

都賦注云太湖東注爲松江下七十里有水口分流  
東北入海爲婁江東南入海爲東江與松江而三今  
松江自吳江縣過甫里逕華亭入青龍鎮自湖至海  
凡三百六十里若夫有新江舊江之別者嘉祐閒吳  
中水災時李兵部復圭爲轉運使韓殿省正彥宰崑  
山開松江之白鶴匯如盤龍之法其後崇甯中漕使  
郊亶又浚治之遂爲民利嘗詢之父老所以然者松  
江東注委蛇曲折自白鶴匯極於盤龍浦環曲而爲  
匯不知其幾水行迂滯不能逕達於海今所開松江  
自白鶴匯之北直瀉震澤之水東注於海略無迂滯

處是以吳中得免水患

滬瀆江

在縣東北吳郡記松江東瀉海曰滬海亦謂之滬瀆  
廣韻滬水名也白虎通發源而注海曰瀆陸魯望漁  
具詩序列竹於海邊曰滬吳之滬瀆是也皮日休吳  
中苦雨詩全吳臨巨溟百里到滬瀆海物競駢羅水  
怪爭滲漉卽此是也江側有滬瀆壘蓋虞潭袁崧防  
海之處兩旁有東西蘆浦瀉於瀆江舊圖滬瀆江口  
在縣東北一百十里

顧會浦

按慶厯開顧會浦記直縣西北走七十里趨青龍鎮  
浦曰顧會南通漕渠北達松江今日通波塘浦自簞  
山之陽地形中阜松江潮至半道輒回簞山之旁沙  
塗壅積故自慶厯辛巳紹興乙丑乾道乙酉一再開  
通未幾輒淤滯紹興乙丑因浚塘又於縣之北門築  
兩挾堤依舊基爲閘以時啟閉復於浦之東闢治行  
道石梁四十六以通東鄉之停浸

### 盤龍浦

自縣東北達於舊江以其委蛇曲折如龍之盤得名  
祥符圖經縣東北四十五里續吳郡圖經有盤龍匯



者介於華亭崑山之閒步其徑纔十許里而洄穴迂  
 緩逾四十里江流爲之阻遏盛夏大雨則泛濫淪稼  
 穡壞屋廬殆無甯歲自乾興以來屢經疏決未得其  
 要范文正公守平江嘗經度之未遑興作寶元元年  
 太史葉清臣按漕本路遂建議醜爲新渠道直流速  
 其患遂弭

崧子浦

按舊圖崧子浦在縣東北五十里又崧子塘在縣北  
 十五里分而爲二者蓋北十五里崧子浦之口東北  
 五十里者下注於舊江口也慶厯開顧會浦記以爲

嵩塘蓋此浦與顧會浦同流而異派皆瀉水於松江  
大盈浦

在縣西北七十里南接澱山湖北自白鶴匯以達於  
松江浦闊三十餘丈慶歷開顧會浦記論華亭浦渚  
五而大盈居其一王介甫詩徒嗟大盈北浩浩無春  
秋卽此浦也

趙屯浦

在縣西八十里南接澱山湖北達於松江浦闊五十  
餘丈卽王可交遇仙處

內勳浦在縣西八十里

直浦在縣西北七十五里

南澥浦在縣西北六十八里

梁紇浦在縣西北八十里

艾祁浦在縣東北六十五里

華潮浦在縣東北六十五里

郭巷浦在縣東北六十五里

小來浦在縣東北三十五里

新涇浦在縣東北八十里

上澳浦在縣東北八十里

西蘆浦在縣東北八十五里

大蘆浦在縣東北八十五里  
上海浦在縣東北九十里  
南贍浦在縣東北一百里

右浦凡十四在縣之北境皆所以達上流之水以歸於松江也

### 薛澱湖

在縣西北七十二里有山居其中湖之西曰小湖南接三泖其東大盈浦其北趙屯浦蓋湖所以受三泖及西南諸港之水自二浦以瀉於松江也舊圖所不載止有小湖在西北六十里周回三里吳郡圖經云



徐氏校刊

西北有白蜺馬騰谷瑋瑁四湖舊圖谷湖在縣西北  
 五十三里馬騰西北六十里白蜺西北七十里今白  
 蜺湖在長洲界所謂馬騰谷瑋瑁相去五十里閒澱  
 湖周回幾二百里茫然一壑不知孰為馬騰湖孰為  
 谷湖也此湖古來鍾水之地近者如白蜺湖皆成圍  
 田湖之四旁亦有築堤為田者歲有水潦則縮水者  
 益狹矣

錡湖

在縣東北一百里

在縣西北三十五里周回二十里一名洋湖舊經云  
 湖有陸錡宅因以為名又縣東南六十里亦有洋湖

徑十餘里今皆爲蘆葦之場洪武開鑿八十八

鶯竇湖在縣東三十里周回五里

來蘇湖在縣南七十里周回十七里

唳鶴湖在縣南四十五里周回五十六里

永興湖在縣南四十里周回三里

右四湖載之祥符舊圖今未詳所在此湖蓋廢因以

### 沈涇塘

在縣西五里南接運河北接大盈浦蓋自橋李城下  
水流東北則此塘所以瀉上流之水也往時歲旱浚  
之遇潮漲則亦可以引松江之水以資灌溉

古浦塘

在縣西行二十七里以達於柳歲旱亦可引三柳之

水以資灌溉

鹽鐵塘

在縣東南長三十里世傳吳越王於此運鹽鐵因以

示為名

杜浦塘

在縣東八十里十里風回十里

下沙浦

在縣東九十里紹興乙丑通判曹泳開港浦凡十八

處

須顧柳

在縣東南二十里

謝家柳

在縣東南二十里柳北有柳涇

白龍潭

在縣西北三里世傳有龍蟠伏於中歲旱常禱雨焉

沸井浜

在滬瀆東西有蘆浦中間一水相通有數尺許特深

如井然水騰涌晝夜不息或云海眼也常有戲浴於



中者二三尺以下其氣稍溫

堰閘

華亭東南並鉅海自柘湖墜塞置閘十八所以禦鹹潮往來政和中提舉常平官興脩水利欲涸亭林湖爲田盡決隄堰以泄湖水華亭地勢東南益高西北益卑大抵自三泖五浦下注松江以入於海雖決去諸堰湖水不可泄鹹水竟入爲害於是東南四鄉爲斥鹵之地民流徙他郡中開州縣雖知其害復故隄堰獨留新涇塘以通鹽運海潮朝夕衝突塘口至闊三十餘丈鹹水延入蘇湖境上乾道七年八月右正言許公克昌請於朝

時太博邱公密除秀州陸辭之日面奉至尊壽皇聖訓  
亟來相視與令堵觀議以新涇塘潮勢湍急運港距新  
涇二十里水勢稍緩不若移堰入運港爲便於是募四  
縣夫經始於九月廿六日畢工於十二月廿七日堰成  
併築堰外港十六所港之兩旁塘岸四十七里百八十  
五丈有奇明年正月廿二日上遣監察御史蕭之敏相  
視又捐四鄉民租九年以招復流民又明年正月遣中  
使宣諭守臣張元成增築二月特置監堰官一員招土  
軍五十人置司顧亭林巡邏以防鹽運私發諸堰今堰  
外隨潮沙漲牢不可壞三州之田得免鹹潮浸灌之患

此聖天子德惠而二三臣之力也堰成無記恐將來無所稽考故迹其本始而詳著之焉

運港大堰闊三十丈深三丈六尺厚二十一丈九尺土

驍犯今上嫌名歐涇堰闊十五丈深三丈五尺

黃姑涇堰闊五丈深一丈五尺

張戀涇堰闊十二丈深三丈

老兒涇堰闊二丈深一丈

何家涇堰闊十一丈五尺深二丈

善涇堰闊九丈深一丈六尺

張涇堰闊三丈深一丈

徐家涇堰闊九丈深一丈八尺

邵家涇堰闊九丈深一丈八尺

新開涇堰闊九丈深一丈八尺

招賢涇堰闊十一丈深二丈八尺

管家涇堰闊三丈深一丈四尺

戚家涇堰闊六丈深二丈五尺

了义涇堰闊五丈深二丈五尺

吳塔涇堰闊十丈三尺深二丈六尺

蔣家涇堰闊七丈五尺深一丈六尺

竹岡堰在縣東六十里未詳所在



砂岡堰在縣南七十里未詳所在

鹹塘岸

運港東塘岸自運港堰至徐浦塘計二十四里一十

七丈西塘岸自運港堰至柘湖二十三里上闊六尺

下闊一丈五尺高六尺

舊瀚海塘

西南抵海鹽界東北抵松江長一百五十里

張涇閘

在縣東南四十八里隆興甲申八月本路漕臣姜詵

奏請於張涇堰增庫為高築月河置閘其上甃巨石

兩址相距常有四尺深十有八板板尺有一寸以時  
啟閉故鹹潮無自而入月河之長三千三百五十有  
五尺廣常有六尺許克昌爲之記

### 冢墓

祥符圖經載諸陸潘濬竿融凡十二墓若濬與融既非  
邑人不知何自而葬於此陸禕墓在崑山碑誌尙可考  
反不及之無乃未見征北墓碑耶然諸陸之墓自禕外  
訪其處所無復存者而融墓至今稱之事有幸不幸者  
可爲之歎息

陸康墓在縣西北二十里

陸遜墓在縣西北二十三里

陸抗墓在縣北二十二里

陸瑁墓在縣西北三十二里

陸凱墓在縣西北二十二里

陸宏墓在縣西北四十里

陸暉墓在縣西北四十四里

陸監墓在縣西北一十九里

陸景文墓在縣西北三十里

陸叡墓在縣西北十九里

已上詳見人物門

潘濬墓在縣西北二十里按吳志云濬字承明武陵漢壽人也弱冠從朱仲子受學爲郡功曹孫權殺關羽於荆上拜爲輔軍中郎將有功遷奮威將軍權卽位封劉陽侯遷太常赤烏二年薨

笮融墓在縣東北四十里按吳志云融丹陽人初徐州牧陶謙使督廣陵運漕曹公攻謙徐土蕭條融將男女一百口馬三十匹走廣陵今北亭鄉有笮墓涇涇旁有高壠世稱爲笮墓云

陸禕墓在縣西北二十七里崑山之絕頂舊有征北將軍陸禕墓碑今雖斷毀不全而龜趺尙存焉



知縣題名

自置縣以來唐之賢宰舊經所載止蘇籥一人稱其在  
縣簡惠蒞事公正國朝咸平以前令之姓氏無所稽考  
自咸平五年迄於建炎二年商餘慶至許知微凡五十  
有三人則姚舜明為之記自紹興元年迄於淳熙元年  
呂應問至劉俣凡一十有九人則劉俣為之記自淳熙  
三年迄於紹熙四年趙汝諲至楊潛凡七人則楊潛為  
之記其閒流風善政為民所稱誦者蓋亦有焉

唐張聿

琅邪人

包

某

延陵人  
德宗時

蘇籥

商慶餘

咸平五年

劉唯

景德元年

孟虛舟 大中祥符元年

董抗 大中祥符五年

蹇利涉 天禧元年

李衡 乾興元年

王舉直 天聖二年

李宏 天聖五年

楊備 天聖十年

錢括 景祐三年

錢貽範 康定二年

宋宜 慶曆六年

李釋回 大中祥符三年

尙遠 大中祥符九年

張貽慶 天禧二年

張鑄 天聖元年

田慶遠 天聖三年

向繹 天聖七年

唐詢 明道二年

丁詡 寶元二年

謝景温 慶曆四年

章拱之 皇祐元年

召見...

言

觀自得齋

吳及皇祐四年

胥元規嘉祐二年

袁晉材嘉祐七年

張若濟熙寧元年

邵奇熙寧七年

周袞元豐四年

陶鎔元祐二年

章景遇元祐七年

俞結紹聖三年

孫植元符三年

楊慥至和元年

聶儀仲嘉祐五年

胡定之治平二年

上官汲熙寧四年

盧乘元豐元年

陳謚元豐七年

劉鵬元祐五年

黃必紹聖元年

賈泰元符元年

左嶠建中靖國元年

楊子方 崇甯元年

楊光弼 大觀元年

章懿文 大觀四年

黃昌衡 政和七年

鮑貽愿 宣和三年

許知微 建炎二年

張公紱 紹興三年

林衡 紹興九年

趙伯虎 紹興十年

吳全 紹興十二年

章政 崇甯二年

徐思安 大觀三年

姚舜明 政和元年

胡侃 宣和元年

陳球 靖康元年

呂應問 紹興元年

詹堯可 紹興六年

楊壽亨 紹興十年

陳祖安 紹興九年

龔相 紹興十二年



王崧 紹興二十年

周允聞 紹興二十六年

周極 紹興二十年

蔣思祖 紹興三十二年

張昉 乾道元年

雷粲 乾道元年

侍其銓 乾道二年

堵觀 乾道五年

陳明 乾道八年

劉候 淳熙元年

趙汝諲 淳熙三年

徐安國 淳熙六年

楊樗年 淳熙十年

葉仲英 淳熙二十一年

劉壁 淳熙十二年

柳楸 淳熙十六年

楊潛 紹熙元年

張穎

張抃

徐民瞻

樊 湛

錢 閏

嘉泰元年

趙汝章

嘉泰四年

湯 詵

開禧元年

汪立中

開禧二年四月到任十一月借  
緋三年九月磨勘轉奉議郎

滕 珂

嘉定元年

徐晞稷

嘉定二年

樓 鏞

嘉定四年

陳 遇

嘉定五年

陸三省

嘉定六年

李伯壽

嘉定七年

錢德謙

嘉定八年

陳 錡

嘉定十一年

張孝聞

嘉定十二年

陳奇之

嘉定十五年

王 琮

嘉定十七年

詹 驩

寶慶三年

黃 崖

紹定元年

程 熹

紹定二年

韓曾 紹定六年

楊瑾 端平元年

宋良才 嘉熙元年

韓識 嘉熙四年

蔡朴 淳祐二年

施退翁 淳祐四年

鄭南 淳祐七年

陳叔弼 淳祐八年

進士題名

唐博學宏辭科

陸贄 字敬輿西京試第六人

光啟二年

陸辰 字祥文禮第一人

三禮科

顧謙

進士題名

華亭壯邑業儒者眾今訪之者舊及考諸登科記自天

禧三年迄於紹熙四年凡一百七十有七年登進士第  
者凡八十有八人其間魁多士冠南宮入政府登從班  
者蓋不乏人亦云盛矣陳舜俞登慶歷六年第再中嘉  
祐四年材識兼茂明於體用科按國史舜俞湖州人知  
山陰縣時青苗法初行不奉令上疏自劾謫南康酒稅  
棄官而歸居秀之白牛村自號白牛居士雖湖人不得  
不載也崇甯五年朱季資以內舍辟廳錄試於中書賜  
第紹興四年呂元亮以布衣被薦召對出官皆非常科  
茲不載焉至若特恩則無題名可考姑摭耳目之所見  
聞者附云



天禧三年王整榜

呂諤

天聖二年宋庠榜

呂詢

景祐元年張唐卿榜

呂評

慶厯六年賈黯榜

陳舜俞

字令舉嘉祐四年直  
言極諫科第一人

嘉祐二年章衡榜

呂全

用開封貫

六年王俊民榜

朱伯虎

用開封貫  
字才元第五甲第二人太子少師

八年許將榜

戴顯甫

一姓錢

朱鞏

用開封貫  
字宏道伯虎從父

治平二年彭汝礪榜

朱伯熊

用開封貫伯虎之弟  
字才翁宣奉大夫

熙甯二年葉祖洽榜

呂公美

用開封貫

六年余中榜

呂奎

用開封貫

元豐二年時彥榜

柳庭俊 工侍

章粹 用建甯貫

元祐三年李常甯榜

呂益柔 用開封貫甲科第  
二人刑侍字文剛

張徽言

六年馬涓榜

朱紱 改名諤甲科第二  
人右丞伯虎從子

富開

朱之純

用開封貫

紹聖元年畢漸榜

柳庭傑 庭俊之弟

呂

犯宗御諱

四年何昌言榜

張天材 改名卿才

崇甯二年霍端友榜

朱紘

改名謙用開封貫紘之弟第三甲第一人

五年蔡蕤榜

王箎

張甸

呂少蒙

用開封貫

大觀三年賈安宅榜

柳約

戶侍庭俊之弟

姚穀

改名焯

張昭

陳之元

衛上達

改名仲達禮書字達可

黃子服

政和五年何棗榜



衛開入行宣  
教郎

黃鏞鏞之弟

黃鎮

張康朝

八年嘉王榜

衛闡字致虛涇之祖朝奉  
大夫贈太師魏國公

宣和元年貢士王俊父榜

衛膚敏甲科第三人禮侍  
闡從子字商彥

三年何渙榜

富說開之子

建炎二年李易榜

黃銓甲科

紹興二年張九成榜

孫朝彥 用開封貫

五年汪應辰榜

廿四 任盡言 用眉州貫甲科  
質言弟字元受

任質言 用眉州貫

八年黃公度榜

陳璫 用泰州貫

十二年陳誠之榜

潘旦

十五年劉章榜

董天民

朱冠卿  
葛温卿 用開封貫

徐氏校刊

潘璋 甲科改名 緯字仲寶

陳伯達 張圖南

十八年王佐榜

張偉 字書言 新江鄉道成里人

林公望 字叔山 崧宅里人

柳仲永 字德脩 用鎮江貫

廿一年趙達榜

張廷筠 昭之子

鄭聞 省元用開封貫參知政事

廿四年張孝祥榜

衛稷 仲達仲子 處州教授

錢良臣 參政 字友魏

徐銳

廿七年王十朋榜

朱侑

字肅 肅州人

三十一年梁克家榜

許克昌

用拱州貫字 上達狀元

蓋經

用開封貫字 常父甲科戶侍

衛博

字師文 稷從弟 樞密院編脩

柳大雅

用臨安貫

張伯垓

尚書

呂篆

用平江貫

陳夢鵬

用湖州貫

三十二年木待問榜

陳之方

用建州貫

張序

張子泳

一姓朱又作 隆興元年

趙善洙

玉牒

乾道二年蕭國梁榜



朱繹之

用湖州貫兵郎中甲科字貴言

吳伯凱

用開封貫

趙善調

玉牒

徐玠

用鎮江貫

周益

柳梓

五年鄭僑榜

王觀國

用開封貫

林廷瑞

用平江貫

葉昉

八年黃定榜

任巖叟

用通州貫

淳熙二年詹駉榜

衛藻

字德章仲達仲係朝奉大夫

五年姚穎榜

四五趙師慄 玉牒

張之德

八年黃由榜

朱端常 用湖州貫繹之子尚書

柳說 用臨安貫

嘉慶十年衛涇 狀元闈之孫

十四年王容榜

胡林卿 用平江貫甲科

王正綱 用泰州貫

十六年上舍魁釋褐

林至 字德久官祕書省師朱晦庵

紹熙元年余復榜

慶元五年曾從龍楠

玉牒

十六趙汝詒

自願書

嘉泰二年傅行簡榜

甲林

十四張淡

開中員

嘉定元年鄭自誠榜

新

張渙臣

用表代費

八年衛价 用鎮江貴仲達

曾孫字藩叟

衛洽 涇弟

八年衛洙 右司郎中

四年趙建大榜

趙汝

正平趙汝廓 玉牒

又作七年袁甫榜

十三年劉渭榜

孫一飛

胡琚 林卿之子

林革 至之子

十六年蔣仲珍榜

張益臣

開慶元年周夢炎榜

葉汝舟

柳正孫

景定三年方山京榜

錢夢炎

咸淳元年阮登炳榜



曹應符

字泰叔衢州司戶參軍

趙崇嘏

咸淳鄉貢進士陸霆龍

字伯靈禮記郡魁

謝國光

字觀夫

紹定二年黃朴榜

黃英發

五年徐元燕榜

杜從龍

嘉熙二年周坦榜

錢宜之

錢虞之

淳祐十年方逢辰榜

洪應辰

寶祐元年姚勉榜

錢拱之

布衣被召賜第

朱季賢

內舍

呂元亮

衛謙

字有山仲達六世孫宋末登第未詳何年

特奏名

附凡三十一人

章枳

詹奕

衛仲遠

衛稹

陳聖任

鄭灘

第二名

吳正邦

陳世德

朱宗卿

葉簡

王鼎

姚端方

錢九韶

葉曷

朱振

張伯起

章移忠

鄭丙

林一飛

曹元鼎

柳梗

柳大韶

戚簡

黃裳

朱端復

朱伯龍

朱彥直

朱端禮

朱解

朱聞

朱允

雲間志卷中終